

տօնէութիւնը: Մինչեւ իսկ պիտոյրական բարձր պաշտօնները — սպարապետից մինչ հազարապետ, որ իրենց իւրաքանչիւր բնաւորութեան շնորհիւ՝ պէտք է որոշ շեղում ներկայացնէին, անգամ նրանք եւս ենթակայ են ընդհանուր օրէնքին:

2. Աղբայրին ժողովից բոլորս չամարեա բոլոր պաշտօնները հաւաքական են, կողմագիտ, բացի «Հայր Հայաստանեացի» պաշտօնից եւ հազարապետութիւնից: Անգամ հանրահարգահան ու կուսականները, որոնք ըստ երեւոյթին միանձնեայ իշխանութիւններ են, իրօք միանձնեայ չեն. նրանք կառավարում են յատուկ խորհուրդներին հետ միասին — նախագահին կից 12-ի եւ 6-ի խորհուրդները, իսկ կուսակալներին կից՝ նահանգական խորհուրդը, 3 հոգուց բաղկացած — որոնց սովորական նախագահներն են նրանք եւ ուրիշ ոչինչ: Սըրանով պիտի բացատրել այն կարգը, որ բոլոր պաշտօնեաներին, նրանց մահուան, հրաժարեցման կամ այլ նման դէպքերում, իսկոյն փոխարինում են նրանց երկրորդները եւ սրանք վարում են իրենց պաշտօնները մինչեւ որ հաստատուում են համապատասխան մարմիններին կողմից (յ)Յ):

Դեռ աւելի. զինուորական բարձր պաշտօնները եւս — սպարապետութիւն եւ ասպետութիւն — հաւաքական են, որ մի չտեսնուած երեւոյթ է ամբողջ աշխարհում. 9 սպարապետներին եւ 9 ասպետներին իւրաքանչիւր 3 հոգին կազմում են մէկ-մէկ սպարապետութիւն եւ մէկ-մէկ ասպետութիւն:

3. Պաշտօնեաները իրենց պաշտօններին մէջ անկախ են, ազատ եւ ոչ ոք իրաւունք չունի նրանց իջեցնելու կամ հրաժարեցնելու իրենց պաշտօնից, բացի դատարանից (յԸ, յԹ): Նշանակում է ինքը պաշտօնեան է, որ իր գործունէութեամբ որոշում է իր բախտը: Նա կը պատժուի, եթէ յանցանք գործի. օրինակ, կաշառակերութեան համար պաշտօնեան զրկուում է իր տեղից եւ մինչեւ կեանքի վերջը այլեւս չի կարող որեւէ պաշտօնի ընդունուել (դէ): Միայն Աղբ. ժողովը կարող է նրան իր իրաւունքների մէջ վերականգնել (ւլէ):

4. Պաշտօնեայից պահանջուում է օրինա-

կելի ճշգրտահամարութիւն եւ բարեխղճութիւն դէպի իր պաշտօնը. եթէ նա, առանց հիւանդութեան պատճառի, բացակայում է, վճարում է 5 դահեկան տուգանք եւ այդպէս մինչեւ 3 անգամ. չորրորդ անգամ արդէն բանտ է դրուում 12 օր ժամանակով (եք):

5. Իւրաքանչիւր պաշտօնեայ, նախ քան իր պաշտօնի հրովարտակն ստանալը, հաւատարմութեան երդում է ընդունում՝ իր պաշտօնին, կրօնին, հայոց օրէնքներին եւ պետութեանը (լԳ, ղԸ): Անգամ հոգեւորական պատգամաւորը երդում է եւ տալիս իր երդման թուղթը, որ եւ դնում ենք այստեղ հետաքրքրութեան համար. —

«Ես Սեղբեստրոս, շնորհօքն Աստուծոյ արքեպիսկոպոս Աղճնու, խոստովանիմ առաջի Աստուծոյ եւ առաջի ձեր, եղբարք, եւ երդնում ի վերայ Ս. Կառկարանիս, որ եմ ծնունդ սեպհական ազգէն հայոց, հաւատացեալ ի Քրիստոս, աւանդութեամբ Հայաստանեաց սուրբ եկեղեցոյ, շնորհօքն Աստուծոյ արքեպիսկոպոս Աղճնու եւ փոխանորդ Ծայրադոյն Հայրապետին եւ եղբայրակից իմոց եպիսկոպոսաց ամենայն հայոց, խոստանամ առաջի Աստուծոյ եւ ձեր, զի կալով մնացեմ հաստատուն ի վերայ այսմ հաւատոյ եւ սիրոյ ի վերայ ազգին իմոյ եւ հնազանդ օրինաց կարգադրութեան տանն հայոց, զամենայն աւուրս կենաց իմոց» (լԸ):

6. Բաղմաթիւ օրէնքներով հեղինակն արգելում է օտարազգիներին կամ օտար դաւանութեանց պատկանողներին պետական պաշտօնի ընդունել. «Մի ոք այլ ազգ գտցէ պաշտօն ի տանէն հայոց, բայց ի սեպհական ազգէն հայոց եւ աւանդութեամբ Հայաստանեաց սուրբ եկեղեցոյ» — ասում է օրէնքը (ւԳ): Ազգով հայն իսկ չի կարող Հայաստանում պաշտօնեայ լինել, եթէ նա կրօնով հայ-լուսաւորչական չէ (ւԿ):

Սակայն, գրքի վերջերում, իրեն յատուկ անհետեւողականութեամբ, յանկարծ շեղում է իր այդ հիմնական օրէնքներից եւ մի բոլորովին հակասող, նրանց ժխտող օրէնք դնում, անշուշտ մեր կեանքի իրական պայմաններին զիջելով:

Նա դիտէ, որ երկարամեայ ստրկութեան